



SLUŽBENE NOVINE

KANTONA SARAJEVO

Godina XVII – Broj 12

Ponedjeljak, 26. marta 2012. godine
SARAJEVO

ISSN 1512-7052

KANTON SARAJEVO

Ministarstvo finansija

Na osnovu člana 17. stav 2. Zakona o izvršavanju Budžeta Kantona Sarajevo za 2012. godinu ("Službene novine Kantona Sarajevo", broj 33/11), po zahtjevu Ministarstva za boračka pitanja, Kanton Sarajevo, Ministar finansija donosi slijedeću

ODLUKU

O PRERASPODJELI SREDSTAVA U BUDŽETU KANTONA SARAJEVO ZA 2012. GODINU ZA FOND KANTONA SARAJEVO ZA IZGRADNJU I OČUVANJE GROBALJA ŠEHIDA, POGINULIH BORACA, MEMORIJALNIH CENTARA I SPOMEN OBILJEŽJA ŽRTAVA GENOCIDA

1. Odobrava se preraspodjela sredstava u Budžetu Kantona Sarajevo za 2012. godinu u iznosu od 60.000 KM po zahtjevu Ministarstva za boračka pitanja za Fond Memorijala i to:
Sa razdjela 13010001- Ministarstvo za boračka pitanja sa ekonomskih kodova:
614200 DAM 006 Tekući transferi, transferi pojedincima Sredstva za profesionalnu rehabilitaciju, prekvalifikaciju i edukaciju iznos 30.000 KM
614200 DAM 015 Tekući transferi, transfer pojedincima Sredstva za uplatu doprinosa za zdravstveno osiguranje. iznos 30.000 KM
Na razdjel 13020001 - Fond memorijala na ekonomske kodove:
611100 - Bruto plaće i naknade. iznos 45.200 KM
611200 - Naknade troškova zaposlenih
611211 DBA 001 naknade troškova prevoza. iznos 3.400 KM
611221 DBA 002 naknade za topli obrok . iznos 5.500 KM
611224 DBA 003 naknade za regres za godišnji odmor iznos 1.200 KM
Doprinosi poslodavca i ostali doprinosi
612100 - Doprinosi poslodavca iznos 4.700 KM
2. Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-01-14-7059/12
20. marta 2012. godine
Sarajevo

Ministar
Muhamed Kozadra, s. r.

Na osnovu člana 17. stav 2. Zakona o izvršavanju Budžeta Kantona Sarajevo za 2012. godinu ("Službene novine Kantona Sarajevo", broj 33/11), po zahtjevu Sarajevske filharmonije "Sarajevo", Ministar finansija donosi slijedeću

ODLUKU

O PRERASPODJELI SREDSTAVA U BUDŽETU KANTONA SARAJEVO ZA 2012. GODINU ZA BUDŽETSKOG KORISNIKA SARAJEVSKA FILHARMONIJA

1. Odobrava se preraspodjela sredstava (sopstveni prihodi) u Budžetu Kantona Sarajevo za 2012. godinu u iznosu od 10.000 KM po zahtjevu Sarajevske filharmonije - 22020002 i to:
sa ekonomskog koda:
613900 - Ugovorene i druge posebne usluge (sopstveni prihodi) iznos 10.000 KM
na ekonomski kod:
821300 - Nabavka opreme iznos 10.000 KM
2. Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-01-14-7391/12
26. marta 2012. godine
Sarajevo

Ministar
Muhamed Kozadra, s. r.

Ministarstvo za boračka pitanja

Na osnovu člana 48. stav 2. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj 9/07 - Prečišćeni tekst i br. 7/08, 33/08 i 3/12), Ministar za boračka pitanja Kantona Sarajevo donosi

PRAVILNIK

ZA UTVRĐIVANJE PRAVA NA UKOPNO MJESTO U "ALEJI VETERANA" U GROBLJU VLAKOVO

POGLAVLJE I - OSNOVNE ODREDBE

Član 1.
(Osnovne odredbe)

Ovim pravilnikom utvrđuju se uvjeti, kriteriji, način obavljanja ukopa i vojne počasti u "Aleji veterana" groblja Vlakovo ili na nekoj drugoj lokaciji predviđenoj za ovu namjenu (u daljnjem tekstu: Aleja veterana).

Član 2.

(Definisanje korisnika prava)

- (1) Pravo na ukop u Aleji veterana ostvaruju dobitnici ratnih priznanja i odlikovanja definisani članom 5. stav 3. Zakona o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH", br. 70/05, 61/06 i 9/10).
- (2) Pravo na ukop u Aleji veterana ostvaruju i organizatori otpora, veterani - prvoborci i dobrovoljci, koji su učestvovali u pripremama za odbranu Bosne i Hercegovine u periodu od 18.09.1991. do 19.06.1992. godine i ostali neprekidno u jedinicama Oružanih snaga do kraja rata ili su ranije demobilizirani od nadležnog vojnog organa.

Član 3.

(Uvjeti za ostvarivanje prava)

- (1) Pravo na ukop i grobno mjesto u Aleji veterana imaju lica iz člana 2. Pravilnika ako su bili pripadnici Prvog korpusa ARBiH i pripadnici MUP-a RBiH, HOS-a i HVO u zoni odgovornosti Prvog korpusa ARBiH, a prije smrti su imali prebivalište ili boravište na području Kantona Sarajevo, a:
 - a) poginuli u oslobodilačkom ratu 92-95. godine i ekshumirani su i identificirani
 - b) umrli su ili poginuli nakon rata
- (2) Izuzetno, Ministar može odobriti ukop pripadnika OS R BiH, bez obzira na uvjete iz stava 1. ovog člana visokom vojnom i državnim zvaničniku, koji ne mogu dobiti grobno mjesto bez naknade, a zaslužni su za odbranu BiH.

Član 4.

(Definicije pojedinih pojmova)

- (1) Vojna počast je aktivnost Oružanih snaga BiH propisana procedurama u Oružanim snagama BiH, koja se odaje veteranima prilikom ukopa i visokim vojnim i državnim zvaničnicima.
- (2) Počasna straža je aktivnost Oružanih snaga BiH koja se provodi prilikom ukopa visokog vojnog i državnog zvaničnika. Formira se posebno za svaki pojedinačni slučaj.
- (3) Visoki vojni i državni zvaničnik je lice koje je vršilo visoke državne funkcije u Predsjedništvu, Vladi, njenim Ministarstvima RBiH ili je obavljalo visoke komandne i rukovodne štabne dužnosti u OS RBiH.
- (4) Najviša vojna odlikovanja su najviše rangirana odlikovanja i priznanja koja su kao takva označena u propisima u BiH, FBiH ili nižim nivoima vlasti.
- (5) Boračko udruženje je udruženje boraca, veterana, invalida, porodice šehida i poginulih boraca ili slično udruženje koje je historijski i sadržajno povezano i orijentirano na njegovanje tradicije i vojnog naslijeđa OS BiH.
- (6) Veteranski buket je položni ili drugi buket uobičajene veličine, sa zastavicom RBiH u obliku lente pričvršćenom na vrhu ili centralnom dijelu buketa (vidnom dijelu buketa).
- (7) Počast jedinicom OS BiH je aktivnost Oružanih snaga BiH koja se odaje u skladu sa propisanim procedurama u OSBiH, a povodom značajnih datuma. Jedinica vrši pozdravljanje oružjem - odaje počast prilikom polaganja cvijeća u Aleji veterana.
- (8) Ukop je obavljanje sahrane, dženaze, pogreba uz vjerski obred ili sahrane na ateistički način sa i bez odavanja vojnih počasti.

POGLAVLJE II - NAČIN OSTVARIVANJA PRAVA

Član 5.

(Podnošenje zahtjeva)

Pripadnost definisana članom 2. i 3. ovog Pravilnika se dokazuje dokumentacijom nadležnog organa.

Član 6.

(Način ostvarivanja prava)

- (1) O pravu na ukop, grobno mjesto i način ukopa odlučuje Direktor Fonda Kantona Sarajevo za zaštitu i održavanje grobalja šehida i poginulih boraca, memorijalnih centara i spomen obilježja žrtava genocida - Fond memorijala (u daljnjem tekstu: Direktor) odgovarajućim aktom - rješenjem, prije ukopa.
- (2) Izuzetno akt - rješenje može biti doneseno 48 sati nakon ukopa o čemu odlučuje Direktor. Odluka Fonda memorijala saopćava se usmeno podnosiocu zahtjeva.
- (3) Direktor o zahtjevu po hitnom postupku odlučuje Rješenjem, a koje po žalbi rješava Ministar za boračka pitanja Kantona Sarajevo (u daljnjem tekstu: Ministar).

Član 7.

(Kome se zahtjev podnosi)

Zahtjev za ostvarenje prava na ukop i grobno mjesto u Aleji veterana podnosi se Fondu Memorijala najmanje 24 sata, izuzetno 12 sati prije ukopa.

Član 8.

(Podnosioci zahtjeva)

- (1) Zahtjev za ukop i grobno mjesto u Aleju veterana podnosi porodica, izuzetno bliži srodnici ili boračko udruženje.
- (2) Zahtjev se smatra saglasnošću za ukop i grobno mjesto u Aleji veterana.

Član 9.

(Sadržaj zahtjeva)

U zahtjevu za ukop i grobno mjesto u Aleju veterana, podnosilac zahtjeva obavezno navodi svoju odluku o sljedećem:

- a) obavljanje ukopa uz vjerski obred jedne od vjerskih konfesija,
- b) obavljanje ukopa na ateistički ili na drugi način,
- c) obavljanje ukopa uz vojne počasti.

Član 10.

(Potrebna dokumentacija)

Uz zahtjev za ukop i grobno mjesto podnosilac zahtjeva prilaže potrebnu dokumentaciju:

- a) uvjerenje o pripadnosti OS RBiH
- b) dokaz o ratnom priznanju ili odlikovanju,
- c) potvrda o smrti,
- d) fotokopija lične karte umrlog.

Član 11.

(Dopuna dokumentacije)

U slučaju kada je smrt nastupila u neradne dane ili državne praznike, a postoje razlozi za hitnost ukopa, podnosilac zahtjeva dužan je dopuniti dokumentaciju prvi naredni radni dan.

POGLAVLJE III - NAČIN OBAVLJANJA UKOPA

Član 12.

(Saradnja sa KJKP "Pokop")

Ukop u Aleji veterana obavlja se u suradnji sa javnim preduzećem koje gazduje i upravlja gradskim grobljem "Vlakovo", KJKP "Pokop" uz korištenje kapaciteta i usluge preduzeća.

Član 13.

(Procedure prilikom ukopa)

- (1) Ukop u Aleju veterana vrši se uz obavljanje vjerskog obreda ili na drugi ateistički način o čemu odlučuje porodica ili podnosilac zahtjeva.
- (2) Vojne počasti pripadaju licu u skladu sa Pravilnikom o svečanostima i počastima, broj: 06-02-3-3578/10 od 4.8.2010. godine Ministarstva odbrane BiH (u daljnjem tekstu: Pravilnik o svečanostima i počastima) i ovim Pravilnikom.

Član 14.

(Način obavljanja vjerskih obreda)

Obavljanje vjerskog obreda vrši se po pravilima vjerskih zajednica i njima rukovode službenici vjerskih zajednica u BiH svih konfesija, na način karakterističan za ateistički ukop.

POGLAVLJE IV - VOJNE POČASTI

Član 15.

(Propis za vojne počasti)

Odavanje vojnih počasti veteranima OS RBiH regulisano je propisom Ministra odbrane BiH (Pravilnik o svečanostima i počastima, broj 06-02-3-3578/10 od 04.8.2010. godine).

Član 16.

(Način obavljanja počasti)

- (1) Odavanje vojnih počasti vrši se jedinicom OS BiH. Vojna jedinica OS BiH počast odaje u skladu sa propisima i pravilima u OS BiH.
- (2) Sastav jedinice OS BiH za odavanje vojnih počasti prilikom ukopa, bit će prilagođen tradiciji i vjerskim osjećanjima podnosioca zahtjeva.

Član 17.

(Saradnja sa OS BiH)

U pripremi, organizaciji i obavljanju ukopa obavezno se ostvaruje saradnja sa Komandom 2. pješadijskog (rendžerskog) puka OSBiH.

Član 18.

(Način realizacije)

- (1) Vojna počast se odaje postrojanjem jedinice OSBiH, ispaljivanjem počasnih plotuna, predajom zastave Bosne i Hercegovine članu uže porodice, bližem srodniku umrlog ili predstavniku boračkog udruženja i pozdravljanjem oružjem.
- (2) Vojnu počast u potpunosti realizuju pripadnici OSBiH.

Član 19.

(Počasna straža)

- (1) Sastavni dio vojnih počasti je počasna straža i prevoženje na lafetu vojnim vozilom. O zahtjevu koji se podnosi Ministarstvu odbrane BiH za odobrenje počasne straže i upotrebu lafeta i vojnog vozila, odlučuje Direktor za visoke vojne i državne zvaničnike, pojedine ratne komandante brigada, pukova i nosioce najvišeg ratnog priznanja OS RBiH.
- (2) U svim drugim slučajevima mogu se koristiti vozila javnog preduzeća koje gazduje i upravlja grobljem "Vlakovo".

Član 20.

(Uvjeti za odavanje počasti)

Vojna počast jedinicom OS BiH odaje se licu ukoliko su ispunjeni sljedeći uslovi:

- a) obavljalo dužnost ratnog komandanta samostalnog bataljona, puka, brigade ili višu komandnu dužnost,
- b) imalo lični čin pukovnika ili viši u OS RBiH i VF BiH,
- c) nosilac najvišeg ratnog priznanja AR BiH, MUP-a, HVO-a,
- d) i drugim licima ukoliko to odobri Ministarstvo odbrane BiH.

POGLAVLJE V - PROTOKOLI I ODAVANJE POČASTI

Član 21.

(Troškovi ukopa)

Troškovi ukopa regulisani su članom 46. stav 2. Zakona o dopunskim pravima boraca-branitelja BiH, ("Službene novine Kantona Sarajevo", broj 9/07 - Prečišćeni tekst i br. 7/08, 33/08 i 3/12).

Član 22.

(Isticanje zastava)

U Aleji veterana na vidnom mjestu na jarbolu ističu se zastave:

- a) na ulazu u Aleju veterana Zastava BiH i Zastava RBiH
- b) u Aleji u centralnom dijelu Zastava AR BiH i Zastava 1. Korpusa AR BiH.

Član 23.

(Predaja zastave)

Ministarstvo obezbjeđuje zastavu BiH koja se predaje trajno porodici pri obavljanju ukopa i veteranski buket koji se polaže nakon ukopa.

Član 24.

(Protokol povodom praznika)

Odavanje počasti jedinicom OS BiH u Aleji veterana može se vršiti u povodu važnih praznika (Dan AR BiH, Dan 1. Korpusa AR BiH i sl.), polaganjem cvijeća u Aleji veterana i na Spomeniku mira na groblju Vlakovo.

Član 25.

(Neodavanje vojnih počasti)

Odavanje vojnih počasti jedinicom Oružanih snaga OS BiH ne može se vršiti licu ukoliko postoji potvrđena optužnica ili presuda Međunarodnog krivičnog suda ili sudova u BiH.

Član 26.

(Nadgrobnni spomenici)

Nadgrobnni spomenici u Aleji veterana podižu se u skladu sa usvojenim Idejnim rješenjem veteranskih nišana, a podiže ih Fond Memorijala.

POGLAVLJE VI - ZAVRŠNE ODREDBE

Član 27.

(Stupanje na snagu)

Ovaj pravilnik stupa na snagu danom donošenja.

Broj 06-02-8229/12
26. marta 2012. godine
Sarajevo

Ministar
Doc. dr. Nedžad Ajnadžić, s. r.

USTAVNI SUD
FEDERACIJE BOSNE I HERCEGOVINE

Уставни суд Федерације Босне и Херцеговине одлучујући о уставном питању које је редочио Врховни суд Федерације Босне и Херцеговине у вези утврђивања уставности чл. 1. и 2. и члана 7. став 9. Закона о спровођењу контроле законитости коришћења права из области борачко-инвалидске заштите, на основу члана IV.Ц.10.(4) Устава Федерације Босне и Херцеговине у вези са Амандманима LII и XCVI на Устав Федерације Босне и Херцеговине, након јавне расправе, на сједници одржаној 21.02.2012. године, донио је

ПРЕСУДУ

1. Утврђује се да је члан 7. став 9. Закона о спровођењу контроле законитости коришћења права из области борачко-инвалидске заштите ("Службене новине Федерације БиХ", број 82/09) у сагласности са Уставом Федерације Босне и Херцеговине.
2. Одбацује се захтјев за утврђивање уставности чл. 1. и 2. Закона о спровођењу контроле законитости коришћења права из области борачко-инвалидске заштите.
3. Пресуду објавити у "Службеним новинама Федерације БиХ", и службеним гласилима свих кантона.

Образложење

1. Врховни суд Федерације Босне и Херцеговине (у даљем тексту: подносилац захтјева) у поступку рјешавања управног спора број: 70 0 У 001387 11 Фп у предмету тужиоца Бараћ Маријана из Ливна, против рјешења Федералног министарства за питања бораца и инвалида одбрамбено-ослободилачког рата/Федералног министарства за питања бранитеља и инвалида домовинског рата Сарајево (у даљем тексту: Федерално министарство), број: